



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nomenclator Sanctae Romanae Ecclesiae Cardinalium Qvi
Ab Anno Christi Millesimo quippiam commentati sunt, Sev
Ab Eo Tempore quo Pontificis electione ad eos tantum ob
Romani cleri multitudinem ...**

**La Rocheposay, Henri-Louis Chasteigner de
Tolosae, 1614**

A Gregorio XII. Creati.

urn:nbn:de:hbz:466:1-10735

In libros Sententiarum Commentaria, vt notat
Trithemius.

Conclusiones Concilij Pisani, quæ extant in Bi-
bliotheca Cantabrigiensi.

Sermones varios.

Multaque opuscula Obligationis, & in qualibet a-
lia facultate. vt indicat Tossignanus. Bononiæ
iacet in Ecclesia Minorum cum hoc Epitaphio.

Summus Pastorum Alexander quintus, & omnis

Scriptura lumen, sanctissimus ordo Minorum

*Quem dedit, & proprio Cretensis nomine Petrus. Mi-
grauit an. 1410.*

*Petro Philargo Cretensi, viro insigni, oratori gentium, Concio-
natori facundissimo, Consiliario Ducum, Disputatori acerrimo,
Parisijs publicè Theologiam profitenti, in quatuor Sententiarum
libros scriptori luculentissimo, qui ex ordine Minorum ad Episcopā-
tum Vincentiæ, Nouariæ, Archiepiscopatum Mediolanensem,
Cardinalatum, & tandem ad Summi Pontificatus apicem euectus,
& Alexander s. appellatus. Bononiæ moritur, anno salutis 1410.
Pontificatus sui mense octauo. Ioannes Baptista Paganus de Zan-
ctinis bono pietatis impulsus, dum plura in hoc templo, diuino cultui
pararet, eidem Diuo Cultori hoc mausoleum reparauit an. 1588.
die 20. Septembris.*

A GREGORIO XII. CREATI.

B. IOANNES DOMINICI Florentinus, ordinis
Prædicatorum, Theologica Scientiâ clarus, quæ Cardi-
nalatus auctario non mediocriter emicuit, scripsit

In Ecclesiasten.

In Cantica Canticorum.

In Euangelium Mathæi.

Super

Super Magnificat.

In Epistolam ad Romanos.

Luculam noctis contra Colucium Salutarum.

Itinerarium Deuotionis.

De amore Charitatis.

Sermones de Tempore.

Sermones de Sanctis.

Sermones quadragesimales.

De possessionibus.

Sermones 50. in primos nouem Psalmos.

Et quædam alia. Obiit Budæ anno 1420.

Hungariæ Legatus, ibidemque in Ecclesia S. Pauli sepultus miraculis claruit. Eius vitam scripsit Ioannes Caroli Florentinus ord. Prædicatorum.

ANTONIVS CORARIVS Venetus, Gregorij 12. ex fratre Nepos, Cardinalis; Episcopus Bononiensis & Patriarcha Constantinopolitanus, opimis Sacerdotiis ad vnum dimissis, facultates vniuersas vestibis suis tenus pauperibus erogauit, & ad rem sacram peragendam necessaria duntaxat reposuit, scripsit referente Garimberto,

Historiã rerum suã ætate gestarum. Iacetque Venetiis in Ecclesia S. Georgii de Alga cum hoc Epitaphio.

Sepulchrum Piißimi Patris Domini Antonij Corario Beata memoria Episcopi Ostiensis, Cardinalis Bononiensis, fundatoris huius congregationis, qui Obiit anno à Natiuitate Domini 1445. die 19. Ianuarij. Orate pro eo semper.

GABRIEL CONDVLMERIVS Venerus, Gregorij 12. ex sorore nepos Cardinalis, qui postea Eugenius Papa 4. circunciso Pontificio comitatu, eoque minime in ostentationem composito, familiares habuit paucos

admodum sed literatos, quarum conscientiam in Ecclesiâ moderamine vt plurimû utebatur, inter quos Leonardus Brunus, Poggius, Aurispa, Laurentius Valla, Georgius Trapezuntius, & Blondus cæteris antistabant, quorum locupleti relatu ingentibus negotiis (etsi cæpta secus cadebant) par depræhenditur, sed adeò sæculi inclementiam Ecclesię res disiectæ erant; vt expressâ necessitate multa prudens præterire adigeretur, cum neque quid pro tempore foret satis constaret. scripsit

Aduersus Hussitas hæreticos.

Contra Basiliensem conuentum libellum.

Epistolas plures eiusdem argumenti.

Et literas super reformatione Græcorum. Obiit anno 1447. Sepultus in Basilica S. Petri Vaticana cum hoc Epitaphio.

*Eugenius iacet hîc quartus, cor nobile cuius
Testantur vitæ splendida facta sua.
Istius ante sacros se præbuit alter ab ortu,
Alter ab occasu, Cæsar uterque pedes,
Alter vt accipiat fidei documenta Latina,
Alter vt aurato cingat honore caput.
Quo duce & Armenij Græcorum exempla secuti
Romam agnorunt Æthiopesque fidem.
Inde Syri & Arabes, mundi que è finibus Indi,
Magna, sed hæc animo cuncta minora suo.
Nam valida rursus Teucros iam classe petebat;
Dum petit; ast illum sustulit atra dies.
Qui semper vanos mundi contempsit honores,
Atque hac impressâ condite, dixit, humo.
Sed non quem rubro decorauerat ille Galero
Non hoc Franciscus, stirps sua clara tulit.*

*Susceptique memor meriti tam nobile, quod nunc
Cernis, tam præstans surgere iussit opus.*

PHILIPPVS REPINGTON Anglus, Oxoniensis
Academiae Theologus, Vviclefi Præceptoris sui hæresi
imbutus, scripsit

Defensorium Vviclefi.

Pro doctrina morali eiusdem

Homilias per annum.

In Euangelia Dominicalia.

De seculari dominio.

Quæstionesque disputatas. Anno deinde 1382
palinodiâ recantatâ Lincolnia factus est Episco-
pus & Cardinalis, præcedenti que vitæ errata pia
senectâ obliteravit.

MATHÆVS POLONVS Cracouia natus; vnde in
omnem ditionem regimen, ex Episcopo Vormatiensi
Cardinalis, scripsit, vt notat Eisengrein,

De amore Charitatis.

Expositionem Cantici Canticorum.

In Ecclesiasten.

In Mathæi Euangelium. &

In Epistolam ad Romanos.

B. LVCAS MANZOLVS Florentinus, ordinis Hu-
miliatorum, non ita pridem à Pio 5. antiquati, ex Epif-
copo Fesulano Cardinalis, scripsit

Summam Casuum Conscientiæ.

De Augustissimo Eucharistiæ sacramento.

Simulatôque nomine Consilium Laurentij de
Ridolphis pro Collegio contra Antipapas.
Florentiæ iacet in æde omnium Sanctorum
cum hoc Epitaphio.

*Exemplar vitæ, morum, virtutis & alme
 Professor legis, qualem vix nouerat etas
 Nostra parem; fuit hic Lucas ex ordine nostro.
 Cardinis ad culmen Romanæ sponte vocatus
 Ecclesiæ, verum Legatus postea Summi
 Pontificis moritur, cælum mens ipsa volauit,
 Domini 1411. die 14. Septembris.*

Anno

PETRVS MAVROCENVS Venetus Cardinalis, Iu-
 risconsultus insignis, iustitias legum penetralibus, scrip-
 sit referente Trithemio,

Super 6. Decretalium commentaria quæ in Bibli-
 otheca vaticana seruantur.

Determinationes varias.

Et alia legum interpretamenta, quæ non medio-
 cri Pontificii Iuris iacturâ in Bibliothecis pulue-
 re obducta delitescunt, vt author est, Marcus
 Mantua Patauinus. Romæ iacet in Ecclesia S.
 Mariæ nouæ cum hoc Epitaphio.

*Hic iacet præclara memoria Reuerendissimus in Christo Pa-
 ter Dominus Dominus Petrus S. Mariæ in Dominica Diaconus
 Cardinalis Venetiarum Iunior nuncupatus, qui obiit anno Domi-
 ni 1424. die xi. mensis Augusti; Cuius anima in pace requiescat.*

A IOANNE XXIII. CREATI.

PETRVS DE ALIACO ex Oppido de Compieg-
 ne, Gallus Cardinalis Episcopus Aniciensis & Camera-
 censis, Ioannem Gersonem auditorem habuit, scripsit-
 que